

مکملہ ادبی و سیاسی رسالہ اسبوعیہ در

❁ ادبی و سیاسی رسالہ اسبوعیہ در ❁

۳۱ نجی سنہ

۲۱ محرم ۱۳۳۰

❁ پنجشنبہ ❁

جزو عدد : ۱۲۹

مستقبل حربندن بر منظره متصوره

(مابعد عن جزؤ ۱۲۸)

بش دقیقه صکره ۷۰۰ متره بر ارتفاعده اوله رق طایفه نك فوقنده سیاحت
ایتمکده ایدی . دشمن موضعنك فوقنده بریوک دائره اوزرنده پرواز ایلدوردی .
بویکی طائر آشاغی به طوغری توجیه نکاه ایلدیلر . حاضرلق موقلرنده
سلاح باشنه اشارتی اعطا اولغش ایدی . افراد سلاحلرینه صارملش . (به تونلی)
تردبانلردن یوقاری قوشمقده ایدیلر . بو هوایی سیاحلری یایلم آتشی ایله استقبال
ایتمک ایچون افراد اجتماع ایله قطعلهر تشکیل ایلش ایدی . به نیکن آشاغیده .
زمین اوزرنده کی قارنجه فعالیتنه تبسم ایدییوردی . پیاده فوروشونی بالایه .
بوارتقاعه نصل واصل اوله حق ایدی ؟ استقامتی اعطا ایده تئلك ایچون ضابط
هانکی نشانکاه تقسیماتی انتخاب ایده چك . روزكارك قورشونی نه طرفه سوق
ایله چکنی نصل حساب ایده بیله چك ؟ او ، کولیوردی . اوت بویوکسلکده آنلر
امنیت ایچنده ایدیلر . بالطبع تصادف نتیجه سی اوله ق بوویا اوت کی قورشونك یولی
آنلره متوجه اوله بیلیر . فقط تصادف هیچ بر طیاره جی بی اخافه ایده مز . مع مافیه
آشاغیده قطعله نك بر قوماندیه تابع اوله رق قوشدقلرینی گوردیکی آنده ایچندن
بر تیرمده دی : شمعی تفنگلری نشان وضعینه آلدیلر . شمعی نشان آلهرق کندی
اوزرلرینه انداخت ایتدیلر . آوجی صرملرنده بو حرکت تکرر ایدییوردی .
(به نیکن) لك بر آن ضایع ایلدیکی ایتسام ینه چهره سنه عودت ایلدی . بو قورشون
یاغموری عجباً زمینه نروده سقوط ایدییور ؟
ارکان حرب ضابطنك الی طائر لك باشی اوزرندن اشارت ایدییوردی .

طیاره تبدیل جبهه ایدرک (وریورغ) (ژم اوررشتاد) دمیریولی اوزرندن کچدی، که بونک رایلری صباح کونشک تحت تاثیرنده ایکی کومش شریکگی پارلایوردی .
 « یارم صولده (قونیتس) بولنیور - استقامت نقطهسی ! » بهنیگن آکلادی، همان غیر اختیاری اوله رق آیقلری ایله یان دومنی استعماله باشلادی . قونیتس صاغریسینده اوفاق برتپیه استناد ایدن ایکنجی طایبه، که خندقلری، دمیر بارمقلقلری، تل اورکیلرینی حاوی اولمقله برابر زمینه پک کوزل اویدرلمش اولمسندن ناشی نه شکلا و نه لونا برفرق ارايه ایستیکندن، مهاجمین طرفندن فرق وتمیزلری محالدر . فقط آنک فوقنده بولندقلرندن طولایی کندیلرینه غیر مرئی قاله مامقدمدر، دقتله آجش اولدقلری خریطه اوزرنده خصمی تدقیق ایتمکده، سپرلره، ماسکولره نظره قارشی کندیی ستر ایستیک حالده اسرارینه بالادن وقوف پیدا ایدلمکده ایدی . آنلر شرق طرفندن کسگین دوریلرله استکشافه ساعی بولنیورلردی . بو نقطه بالادن، ایچلرنده طوپلر موضوع بولان مدور قلهر، افراد عسکریه و مهمات حربیهی مهاجمیندن محافظه ایدمک اولان (قازمانلر) لایقلمه مشاهده اولنیوردی .

بهنیگن فخر و غرور پیدا ایدیوردی . بو، کوزل برراپور تشکیل ایدمک : (قونیتس) صرتلرنده بولان هر طایبهک موقعی قول اردو قوماندانه بیلدیرهک، مهاجمین طوپنجیسی قوماندانه هدفلرینی صورت صحیحده تصویر ایلمک، هجوم ایدن پیاده ایچون تل اورکی مقاصی، دینامیت ایله یول آچق وظیفهسنی حاز اولان استحکام صنفنه موانعی مکملآ تعریف ایلمک . پروازلرندن هرکسه قیقدار برهدیه کتیره جکلر ایدی .

بهنیگن، بوراده کافی . شمعی متوسط استحکاماتی استکشاف ایتلیز . دها آشانی نزول ایدم - بن آوجی خندقلرینی، استناد نقطلرینی کورمک ایسته یورم، بورادن هیچ فوطوغرافی آلمق ممکن دکل، یاتیق و دیک محرکلی بطریهری دخی یکدیگردن تفریق ایتک لازم . شمعی جنوبه طوغری و دها آز ارتقاع .
 طیاره بیوک برقوس اوزرنده حرکت ایدرک بطاشله تنزل ایدیوردی :

۶۰۰ - ۵۰۰ متره . شمعی بویکی طایبه آرسندهده بر تلاش و حرکت مشهود اولدی . اوراده دخی اوافق ، سیاه شکلر نیم زمیندن قالدش ، نیم طور اراق ایچنده اختفا ایتمش اولدینی حالدہ منظور اولیوردی . بوراده دخی یوزلرجه انسانلر خصمه ، ایکی طائرہ قارشى قورشونلرینی یاغدیرمق ایچون چلیک تفک نامیلرینی بالابه طوغری توجیه ایتمشلر ایدی ، کندی سرلرینی اغتصاب ایتمکده اولان بویکی شخصی آشاغی به دوشورمک ایچون یوزلرجه سلاحلر آنلره طوغری رفع و توجیه ایدیلوردی .

یالگیز اوتده بریده قطعه لر اجتماع ایدیور ، اوتده بریده اوزرینه شعاعات شمک انعطافیدن طولانی بعض اسلحه جارحنک پارلامقده اولدینی طیاره جیلرک نظر تدقیقندن قورتلیوردی . فقط قازمه کورکلرک جزئی زمان اول بوراده حفر و کشاد ایلدکاری آوجی حندقلری ، طایبه لرک حندقلری کبی صریض و عمیق اولدقلری جهته ، بوارتقاعده دخی نظرلرندن مستور قالیوردی . به نیکن آلتی ، بوارتقاعده توقیف ایدیوردی . دهآ آشاغی به ایندیرمسی حازر دگل ایدی ، چونکه هر متره نزول ایله تفک قورشونلرینک احتمال اصابتلری تراید ایتمکده ایدی .

طوپچیلر آتشلرینی خیلی زماندن بری قطع ایتمشلر ایدی . شمعی دشمن موضعک فوقده بولندقلری جهته (اوسلر) ک ارتفاعی آرتق کفایت ایتمیوردی . خصوصی طوپلره مالک بولندقلری آکلاشیلیوردی .

فوقلرنده کی دشمنی محوایتمک ایچون نامیلرینی رصد دوربینی کبی عموداً سمایه توجیه ایدمیلر بالون مدافعه طوپلری موجود دکل ایدی . اگر قونیتس بوغازنده بویله برطوپلری اولسه ایدی طیاره جیلر چوقدن زمینه سقوط ایتمش بولورلردی .

به نیکن آرقه سندن کلن برصدا « دهآ آشاغی ! » امر ایدیوردی . او ، باشنی صاللا دی . بر آن ، آتی بر جساتسزک حسی احاطه ایلدی . آشاغیده موت انتظار ایدیوردی . شاقولی دومنده بولان صاغ الی خفیف تیتره دی . « دهآ آشاغی ! » نداسی تکرر ایدی . درو سندن کلن بر صدمه نیم آشکار

اوله رق (به نیکن) « وای قور قاق! — وای غنث حریف! » نداسنی چیقارتدی . دیشلرینی قویاً بر برینه تضییق ایتدی . ایفا ایده جکی وظیفه یه قارشى بر حیاتک ناهمیتی وار ؟ اکر ارکان حرب ضابطی تحتلرنده دشمن خطلک ضعیف نقطه سنی کشف ایدرسه ، وطنک یوزلرجه محاربلیرنک حیاتی صیانت ایتمش اولیه جقمی ، کوتورده جککری راپور قول اردو قوماندانه آز بر تلفات ایله دشمنی دفع و تسکيله موفق ایتیه جقمی ؟ حربده بر حیاتک ناهمیتی اولور ؟ —

طیاره دشمن استحکاماتک ۳۰۰ متره فوقه قدر آشاغی به نزول ایلدی . شمدی استحکامات مذکوره بویکی ضابطک یش انظارنده صورت مکمله ده بدیدار اولیوردی . ایچنده پیاده نک صوگ نفسنه قدر مدافعه و مقاومت ایده جکی آوجی خندقلری ایشته شوراده ، هجومه باشلامه دن اول طوبیجیار طرفندن اسکات و تخریبلری لازم کلن بطریقه لر ایشته شوراده ، بریده علی المجله حفر ایدلمش اولان خطلر لابقيله بللی اولیور ، فقط اشغال ایدلماش : ایشته بونلر اکر طیاره جیلر طرفندن « شورایه آتایسکیز » آنلر ساخته ترتیادن عبارندر ! « دبه کندی طوبیجیارینه اخبار ایدلیه جک اولورسه طوب مرمیاتی بلا مقصد بر برینی متعاقباً کندی اوزرلرینه جلب ایده بیله جک اولان ماسکلر ، یلمه بطریقه لر !

« کافی ! — به نیکن یوقاری یه و بر بارچه زیاده شماله طوغری . دشمنک گرویه طوغری اولان اتصالا تنده بر نظر عطف ایدلم . فقط احتیاط لازم ، یوکسکلرده قاللم ، شمدی به قدر ایدیندیکمیزی اردو مزه ایصال ایتلی بز . دها بزین وارمی ؟ »

« ایکی ساعتدن زیاده بر زمان ایچون دها وار ! » . طیاره (آرنسبرگ) طوغری پرواز ایدیوردی . (زور زشتاد) شمدو فری اوزرنده قطارلر بر چوق عضولی بیلانلر کبی شرقه طوغری ایلرولیور . شوسه اوزرنده عربله لر پک یقیندن یکدیگری تعقیب ایدیور . فقط نه طاشیمقده اولدقلری بویکی طیاره مجهول بولنیور ایدی : ججانه می ، وسائط تحکیمیه می ، قونسرو می ؟ هر حالده دشمن تسلیحات و تجهیزاتی هنوز اکال ایتلماش ، هنوز صوگ درجه مقاومت حاضرا نلماش . حالا مالز مه

جلب اولغسی دشمن موضعنده ضعیف نقطه لرك موجود بولندیغنی ایما ایدرکه قول اردو قوماندانه « سرعت تجاوزی ! » اخطار ایدر .

شوسه اوزرنده کی عربیه سلسله سنده بردنبره برتوقف حصوله کلدی . به نیکن آشاغیده بالجله حرکتلرك سکتیه اوضراذیغنی ؛ سگره ایکی بیاض نقطه نك بلردیکنی لایقيله رؤیت ایلدی که جاده اوزرنده ژورژشتاددن شرقه طوغری شتاب ایدیوردی . آرقه طرفه « ژورژشتادن اوتوموبیل ! » دیه حایقیردی . « بنده کوردم ! استقامت شوسه اوزری ! نداسی عکس ایلدی .

تقریباً شوسه نك فوقنده ۸۰۰ متره ارتفاعده بولندقلری زمان بوایکی اوتوموبیلده تمام آنلرك تحتنده توقف ایلدی . آنلره رفاقت ایدن افراد همان زمینه صیجرا دیلر ، بری کوچك برچرخ مانیوه لاسنه صارلدی که جسماتی آنجق بر طباق قدر کورینوردی ؛ سرعتله چورینوردی ؛ ستون واری برناملی بطاشله سمایه طوغری یوکسلدور . دورینلی نشانکاهی حاوی بربالون طوبی ، بالاده بردارّه اوزرنده طیران ایدن ، طیاره جیلره توجیه ایدیلبوردی . جسم دانه فشنگی ناملی به ادخال ایلدی ، چکمه مانیوه لاسی کیرویه یاتیرلدی . طوب آتشلندی !

هوا قورصانلری اوتوموبیلده کی فعالیتی دقتله ترصد وتعقیب ایدیورلردی ، بولندقلری ارتفاعدن تفرعائی کورده میورلردی ، فقط زیرده طوب آتیلر آتیلار نه کی برتهلکه ایله تهدید ایدلمکده اولدقلرینی آکلادیلر . به نیکن رفیق ایله برکله تعاطی ایتمکسزین ارتفاع وایان دومنلرینی عین زمانده حال فعالیتیه وضع ایلیرک طیاره نی نقطه پروازلرینه طوغری توجیه ایلدی . دشمن موضعنك فوقنده باش دوندیرمك بر ارتفاعدن ، بیک متره دن بر حرکت سریع طنین اندازانه ایله پروازه باشلادی . طیاره نك قبودانی صاغه صوله باقیه رق — یالکیز جهت شرقیه به . قبودانی صاغه صوله باقیه رق — یالکیز جهت شرقیه به ، راپوره انتظار ایتمکده بولنان اردویه طوغری مدنکاه ایتمکده ایدی . فقط ارکان حربیه ضابطی بردفعه ده نظرینی طایبه لر ایله آرماق بطریقه لر اوزرندن کزدیردی : حافظه سینه انطباع ایش اولان شیلرك کافه سینه ، خریطه سی اوزرینه علی العجله چیزمش

اولدینی خطرله ، فوطوغراف آلتندمکی انستانته طوماری اوزرینه تثبیت ایلدیکی منظره لره صوگ دفعه اوله رق بردها عطف نگاه ایلدی . صکره شماله طوغری باقدینی زمان کندی آلتیرینه مشابه بیوک بر قوشک شرقه طوغری پروازینی مشاهده ایلدی .

« به نیکن ، آرقداشک صول طرفده پرواز ایدیور ! » غیر اختیاری اوله رق به نیکن ، طیاره نی بر آز شماله طوغری توجیه ایلدی . خاژ رسوخ اولان کوزلری در حال قارستق ک بر سطحی « قیرلانچ » طیاره سنی طانییدی و آرقداشک مطلقاً بر لکده بولخملری اقتضا ایدر ایتمش کبی بر حس کندیسینی اوجهته سوق ایلدی . بوارتقاعده یکدیگره فائده بخش اولق ، معاونت ایده یلک غیر ممکن ایدی ، فقط عمان بی پایان هوا داخلنده آرتق یاب یالکز دکل ایدی . دشمن موضعنک قارشوسنده ایکی اوچ بیک متره مسافده بولنیورلردی ؛ به نیکن طیاره سنک تحتده یسنه مظلم بر دومان محرکی آشاغی به طوغری ایتمکده ایدی . فرار ایتمکده اولان طیاره لری دشمن ، دومانلی مریمیلری ایله تعقیب ایلور ایدی . به نیکن یان وارثقاع استقامتی همان دقیقه بدقیقه تبدیل ایلدرک بالخله حواسنی ماکنه نک اداره سینه جمع و حصر ایتمش ایدی ؛ شرقه طوغری حرکت مجبور ایدی ؛ فقط دشمن طویجیسینی هر آن تبدیل استقامت نشانه مجبور ایتمک ایچون متمادیاً بر محرک مزوا اوزرنده پرواز ایدیوردی .

درت ؛ بش ، آلتی کیلو متره — برغریو ، بر هوا اهتزازاتی ، بر مرمری آتیش کبی بر سرعت ایله پرواز ؛ ناکهان آرقسندن بر فریاد خائفانه عکس انداز اولدی ؛ « صولده سقوط ایدیور — شوراده — شوراده اورمانه » ، به نیکن او طرفه یالکز بر دفعه عطف نگاه ایتدی ، بر معاونته بولنه میه جفتی بیلوردی . قیرلانچ طیاره سنک فصل بر سرعتله آشاغی به طوغری سقوط ایتمکده اولدینی کوردی ، غالباً ارتفاع دومنی دست طائره بر دفعه ده اجرای تأثیر ایلدرک سطح ارضدن الی متره ارتفاعده برقاج لحظه دهاتوقف ایدیورگی کوروندی . فقط بر آز صکره مادر ارضک اولادینی سینه سینه جذب ایتدیکی بر سرعت ایله آشاغی به

طوغری نزوله باشلادی . شهسز بر سقوط ایدی . بهنیگن کنیش بر نفس آلدی ، بو برقایه حرکتی ، غیر اختیاری اوله رق اکثریا واقع اولدینی وجهله ، برقایه نزولی ایدی ، بویولده نزول وسقوطده طیاره نك تکرلکلری زمینه چاربه رق بیك پارچه اولور ، فقط ایلک بیوک صدمه سقوطه طیاره نك تکرلکلر وقاناد کیریشلری مصاب اولدینی ایچون طیاره جی اکثریا تخلص حیاته موفق اولور . احتماله هر ایکیتی دخی شدتلی جریحه دار ، اعضالری خرد خاش اولدقلری حالده اوزون اورمان جوارنده یرده یاییورلردی ، فقط بونلر تخلص ایديله بیلیر . آنلرکری کتیرملیدر ؛ چونکه طایه لک و آره لق موضعلرک رسملری آنلرده موجوددر . یالکیز شمعی . آنلره معاونت ممکن دکل — سوارینک ایلرولسی لازمدر —

ایکی سطحلی « شاهین » طیاره سی ویربورخ اوزرندن آشهرق سقور دورفه تقرب ایلوردی . بهنیگن محرکی (موتوری) توقیف ایدمک بر پرواز معتدل ومنتظم ايله نزول ایلوردی ، تکرلکلر یاواشجه نقطه نزولک زمینه واصل اولدی اوتوز قرق ال همان طیاره یه صارلدی . بهنیگن آئندن طیاره جی چیه رق سرپوش طیرانی باشندن ، محافظه کوزلکنی کوزندن چیقاردی . کنج کوجک ایل فلدقوللرینی آچهرق — قارشوسنده طورییوردی .

« بهنیگن ! »

« وای ایل فلد ! »

« نصل ایدی ؟ »

« لطیف و مدهش ! فقط لطافت ده ازیاده ! »

« ارکان حربیه ضابطی طیاره جینک اوموزلرینی اوقشابه رق : بوکا دها وقت

وار — کل — اولاراپورلر ! »

« اوت یوزباشی افندی ، کایورم ! »

ملازم قارستنك بر سطحی قبرلانچ طیاره سی زمینه شدله چارهرق طاقلاق
 قیلش ایدی . کوچك تکرلککر و یارمقلقلری بر طراکه ایله خردخاش اولمش ،
 محوری قبرلمش ایدی ؛ اوزرنده کی ایکی طارک وجودی چالایق برزمینده انقاض
 آلتنده قالمش ایدی . بر قاق قوش دوچار خشیت اوله رق هو الاعمش و موقع قضانک
 فوقنده بر آز طولاشدقدن صکره ضرب طرفنده یقین بولنان اورمانه التجا ایلش
 ایدی . آنلرک قانادلری کندیلرینی هواده ، انسانلرک مونورلرندن ، پروانه لرندن ،
 بز سطحلرندن ده امنیتله طاشیمقده درلر .

صمت و سکونت ! صکره خفیف بر ایکلمه ، طیاره نك انقاضی آلتنده بر حرکت
 مذبحانه و بکراک سکونت ! بر قاق دقیقه صکره ینسه بر حرکت ؛ ارکان حرب
 یوزباشیسی فون که لدورف یاواش یاواش انقاض آلتندن چیقدی ؛ بویلی بونجه
 زمینه اوزانمش اولدینی حالده قالدی ، بو عالمده کندینی یکیدن بولیور ایمش کبی
 صاغ الی ایله آتئی اوغوشدیردی ، طوغریلق ایستدی ، فقط صاغ آیاغنک مفصلنده
 باتیجی بر اضطراب آتی زمینه ربط ایلور ایدی .

(مابعدی نسخه تالیه ده)

آلمانجه دن

محمد رشدی

